



Government officials will never ask you to transfer money or disclose bank log-in details over a phone call.
Call the 24/7 ScamShield Helpline at 1799 if you are unsure if something is a scam.

[Home](#) > [Newspaper Catalogue](#) > [Berita Harian](#) > [1963](#) > [March](#) > [25](#) > [Page 4](#) > [Ra'ayat menyambut PLB dengan gotong royong...](#)



Ra'ayat menyambut PLB dengan gotong royong...

Berita Harian, 25 March 1963, Page 4

Share    



Save Citation

[<<](#) [Previous Article](#) [Next Article](#) [>>](#)



Ra'ayat menyambut PLB dengan gotong royong...

Tetapi orang tengah
maseh merajalela

Pembangunan di-Semenyeh

Oleh

7. sinel

Zainal Lembang

PERNAH di-utarakan pengapal di-suatu ketika dulu bahawa Rancangan Pembangunan Luar Bandar kerajaan ada-lah merupakan usaha2 kerajaan yang sa-besar2-nya (di-lapangan ekonomi) untuk menyelamatkan bangsa kita daripada hanyut dan tenggelan di-bawa oleh arus zaman dan kerunchingan2 hidup mereka sendiri.

Betul tidak-nya pendapat ini tidak-lah merupakan soal penting; kita sa-harus-nya menyelideki latar belakang perkembangan kemajuan masyarakat kita (dari segi sejarah), serta mengkaji pula rancangan2 pembangunan yang kini sedang giat di-usahakan.

Sa-panjang perjalanan kita dari Kajang ka-Semenyeh, ternyata benar pembangunan luar bandar pesat sekali—kebun2 getah baru menghijau di-kiri kanan jalan raya itu.

Rasa bangga

Ada yang telah di-toreh ada pula yang baru di-kawinkan, dan ada pula yang sedang di-tebang.

Sa-kali iatu hati kita berasa bangga dan puas, tetapi bila kita di-beri tahu tanah2 orang kita hanya kebanyakan di-kampong dan di-tepi2 bukit sahaja kita berasa kechewa semula.....

Di-kampong2 suasana ketenangan dan kebekuan hidup "takuk lama" hanya baru2 ini sahaja dapat diubah.

Chuba kita tilek rancangan2 pembangunan di-daerah Ulu Langat.

Pada tahun 1961 dulu, Pegawai Daerah Kajang telah

mengumumkan r a n g k a ranchangan2 di-daerah ini.

Ranchangan lima tahun Ulu Langat yang menelan belanja sa-banyak 16 juta itu ada-lah untok usaha2 yang berikut:

1) Untok membuka jalan baru yang panjang-nya 40 batu, dengan harga \$3 juta; dan membaiki jalan sa-panjang 32 batu dengan menelan ang -banyak \$2 juta.

Ranchangan2

2) Ranchangan2 bekalan ayer bagi empat buah kam-pong (2 juta) bagi muna-faat 21,000 penduduk.

3) Sa-banyak enam buah sekolah baru akan di-dirikan. lima klinik2, dan 14 padang2 permainan. Semua ini menelan perbelanjaan sa-banyak \$350,000.

(4) 25 balai raya akan di-dirikan

(5) Bekalan letrik juga akan di-beri kapada dua puluh dua buah kam-pong di-serata daerah ini untok kali pertama-nya.

Ranchangan yang akan

memberi munafaat kapada 4,765 orang penduduk ini akan menelan belanja sa-banyak \$1,765,000.

Yang terakhir sa-kali ia-lah ranchangan pembukaan tanah baru.

Ini-lah ranchangan yang paling berarti sa-kali. Sa-banyak kurang lebeh 2,000 ekar tanah2 baru akan di-buka untok menolong orang2 Melayu, China dan India seluroh-nya.

Ranchangan tanah ini telah berjalan dengan pesat dan lchin-nya di-Sungai Tekali, Sungai Merap dan lain2.

Yang menarek perhatian sa-kali ia-lah ranchangan pembangunan k a m p o n g y a n g telah berjalan di-Sungai Lalang, satu batu dari pekan Semenyeh itu

sendiri.

Ranchangan ini menitek-beratkan tanam2an di-kampong serta ternak2an.

Berbagai2 jenis pokok buah telah di-semalkan di-tempat yang khas dengan mendapat pengawasaan yang khas pula dari pega-wai pertanian yang di-datangkan dari Cheras.

Di-samping itu ada pula ranchangan ternakan, sa-perti lembu, kambing dan ayam.

Bukan hanya sa-takat ke-majuan mata benda sahaja yang ternyata, tetapi yang penting dan yang paling

berma'ana sekali ia-lah masharakat di-Sungai La-lang ini telah berjaya me-ngembelingkan tenaga ber-sama ka-araf suatu mat-lamat—kemajuan.

Jelas sekali caripada cha-ra penduduk di-sini me-ngedalikan ranchangan ke-majuan mereka sendiri; se-mangat bergotong royong yang telah di-lenyap-kan oleh kuasa2 penjajah kini timbul kembali.

Perubahan2

Ini semua ada-an kera-na kejayaan dan kecheka-pan pimpinan Dato' Da-gang di-kawasan itu — Dt Derani—yang telah lanjut umor-nya; tetapi maseh mempunyai sifat2 pemim-pin yang chergas dan maju.

Semangat gotong royong di-kawasan ini ada, tetapi tidak-lah sa-luas atau pun sa-kuat yang terdapat di-Kampong Sungai Lalan: tadi.

Ia hanya lebeh merupa-kan semangat persaorangan atau kelumpok2 sahaja.

belum meliputi dan mere-sapi keseluruhan penduduk di-kampong2 itu.

Sa-orang kawan mengajak saya * berjalan2 ka-ladang mereka. Kami lantas me-nebang beberapa tandan pisang untuk di-jual.

Tetapi saya agak berasa kechewa bila sampai dipekan. Mengapa?

Dulu, enam tahun dahulu, harga sa-kati pisang Restali meningkat 15 sen, pisang Embun 12 sen, pisang Nangka 7 sen, pisang Tuman 12 sen dan pisang Awak maseh lagi laku 5 sen.

Kini keadaan telah berubah—jauh berubah.

Pisang Awak hanya 3 sen harga-nya, pisang Kapas jarang2 laku, pisang Restali pula laku 5 hingga 7 sen. Itu pun mesti pula yang besar2.

Jadi pisang yang saya bawa tadi itu (tiga tandan) dapatlah \$1.65 semuanya. Jumlah kati-nya ialah 56; harga-nya tiga sen sa-kati.

Sa-lepas itu kami pun

pergi-lah ka-kedai kopi; kawan tadi mungkin kasehan kapada saya kerana "sachawan" peloh keluar samasa mengandar dan mengayoh basikal tua itu kapekan.

Sa-lepas makan dan minum teh kawan tadi itu membayar \$1.20.

Ini-lah hasil titek peloh-nya.....dan untok mendapatkan buah pisang itu tadi, ia terpaksa menantikan tiga empat bulan dulu.....

Maseh lagi saya ingai teori2 ekonomi yang saya pelajari dulu: bila barang banyak bertambah, harga pasaran tentu-nya akan turun.

Tetapi apa yang berlaku di-dalam bidang lain ialah: harga2 barang2 runchit tidak pula turun, malah bertambah naik pula.

"Mengapa harga pisang kita itu rendah sekali?"

Kawan saya menjawab, "Entah-lah, apa boleh buat..."

Tetapi apa yang menarik perhatian ia-lah kekuasaan orang2 tengah di-dalam bidang ekonomi mashara-

kat di-kampung2.

Tadi kita hanya berbichara tentang keadaan masha-rakat dan pembangunan kampung sa-chara am sa-haja.

Bagaimana pula tentang angkatan yang muda2 terutama tentang kanak2 dan pelajar2-nya?

Persoalan penting yang kita hadapi sekarang ialah: Apa-kah kemungkinan2 mereka di-masa depan?

Persoalan

Mereka-lah yang akan mengambil tempat "angkatan tua" ini kelak: Dan bagaimana pula dasar2 pelajaran dan pengajaran yang telah mereka terima, untuk menyiapkan mereka bagi kemungkinan2 kejayaan hidup untuk masa depan?

Walau pun di-Semenyeh terdapat sa-buah seko ah Melayu yang benar2 berjaya membuktikan kemajuannya, tetapi apa-kah sudah cukup kalau kita hanya mengharapkan kepada sekolah itu, untuk memajukan masa depan "angkatan muda" ini?

Ini masih merupakan persoalan rumit yang sa-harus-nya kita selesaikan sendiri.

Hal ini tentu-nya terletak pula kepada ketegohan2 dasar mata pencharian sa-saorang itu.

Tiap2 hidup yang kuchar kachir, atau mata pencharian yang kurang terjamin, kelak akan membawa akibat bukan sahaja kepada jaminan2 hidup di-masa itu, tetapi juga akan membahayakan kemungkinan pelajaran dan masa depan anak2 mereka.

***'Harga pisang tiga tandan chuma
\$1.65 sen sahaja...dan
kami terpaksa menunggu tiga***



bulan untok pokok itu berbuah'



**Tun Abd.
Razak
(Menteri
yg paling
sibok)**



**Tanah2 baharu banyak di-buka dan di-bahagi2-
kan kepada penduduk kampung . . . tetapi kepu-
nyaan orang Melayu kebanyakan "jauh dari ja-
lan raya."**

NLB

[Contact Us](#) [Feedback](#) [FAQ](#)

[Report Vulnerability](#) [Terms of Use](#) [Linking Disclaimer](#) [Privacy Statement](#) [Takedown Policy](#)

©2025 Government of Singapore
Last Updated 2023-01-31